

Na osnovu člana 22 Statuta Brčko distrikta BiH („Službeni glasnik Brčko distrikta BiH“ brojevi: 1/00, 4/00, 7/04, 20/05, 24/05 i 3/07), člana 45 Poslovnika Skupštine Brčko distrikta BiH – prečišćeni tekst („Službeni glasnik Brčko distrikta BiH“ broj 11/03) i člana 11a stava 8 Zakona o Policiji Brčko distrikta BiH – prečišćeni tekst („Službeni glasnik Brčko distrikta BiH“, broj 19/06), člana 3 skupštinske Odluke o imenovanju članova Nezavisnog odbora za izbor i reviziju rada šefa Policije Brčko distrikta BiH, broj: 0-02-022-107/06 od 20. jula 2006. godine („Službeni glasnik Brčko distrikta BiH“, br. 26/06), pisma zamjenika supervizora za Brčko distrikt BiH i pisma predsjednika Nezavisnog odbora za izbor i ocjenjivanje rada šefa Policije Brčko distrikta BiH, Skupština Brčko distrikta BiH na 47. sjednici održanoj 3. maja 2007. godine, donijela je

**ODLUKU  
O ISPLATI NAKNADA ZA RAD ČLANOVIMA  
NEZAVISNOG ODBORA ZA IZBOR I OCJENJIVANJE RADA ŠEFA POLICIJE  
BRČKO DISTRIKTA BiH**

**Član 1**

Članovima Nezavisnog odbora za izbor i ocjenjivanje rada šefa Policije Brčko distrikta BiH (u daljnjem tekstu: „Nezavisni odbor“) utvrđuje se naknada za rad u mjesečnom iznosu od po 500 KM, a predsjedniku Nezavisnog odbora u mjesečnom iznosu od 750 KM.

Također, po svakom održanom sastanku članovima i predsjedniku Nezavisnog odbora pripada naknada u iznosu od po 100 KM.

Članovi Nezavisnog odbora koji nemaju prebivalište u Brčko distriktu BiH imaju pravo na naplatu putnih troškova u iznosu do 80 KM po održanom sastanku i pravo na naplatu troškova hotelskog smještaja ukoliko sastanak traje duže od jednog dana.

**Član 2**

Naknada iz člana 1 ove odluke isplaćivat će se s organizacionog koda 109, ekonomskog koda 611200.

**Član 3**

Za realizaciju ove odluke zadužuje se Pododjeljenje za ljudske resurse Vlade Brčko distrikta BiH.

**Član 4**

Ova odluka stupa na snagu danom donošenja i objavit će se u “Službenom glasniku Brčko distrikta BiH”, a primjenjivati će se od 20. jula 2006. godine.

Broj: 0-02-022-47/07

Brčko, 3. maj 2007. godine

PREDSJEDNIK  
SKUPŠTINE BRČKO DISTRIKTA BiH

**Prof. dr. Milan Tomić, s.r.**